

Un vers farai de tal mena

BdT 389,41

Mss.: A 38, C 200, Dc 256, N² 18, a¹ 197 = Raimbaut d'Aurenga; N 252 e 245 = anonimo.

Metrica: a7' b7' c7' c7' d8 e7' f8 (Frank 834:1). *Vers* di 8 *coblas unissonans* di 7 versi, seguite da 2 *tornadas* di 3.

Edizioni: Appel 1928, p. 49; Pattison 1952, p. 83; Milone 1998, p. 103.

- letto 452 volte

Edizioni

- letto 250 volte

Pattison

I.

Un vers farai de tal mena
on vuelh que mos sens paresca,
mas tant ai ric?entendensa
que tostz n?estauc en bistenca
que no posca complir mon gaug;
ans tem c?un sol jorn no viva
tant es mos desirs del fait lonh.

II.

Qu?ins en mon cor me semena
us volers, e crey que-y cresca
d?Amor que-y met tal creyssensa
que d?als non ai sovinensa,
ni res qu?ieu aya no-m fa gaug;
ans lays, e mos cors esquiva,
autre joy que d?al non ay sonh.

III.

Pero si-n sofr? ieu gran pena

qu'ins en mon cor sal e tresca,
qu'anc hom per belha parvensa
non trays tan greu penedensa.
Mas non ai per qu'ieu n'aya gaug? ?
Quar us volers m'en abriva
e-m ditz qu'en altre joy non ponh.

IV.

Ben m'a nafrat en tal vena
est'amors qu'era-m refresca
don nuls metges de Proensa
nadius no-m pot far guirensa;
ni mezina que-m fassa gaug,
ni ja non er hom qu'escriva
lo greu mal qu'ins el cor m'esconh.

V.

Qu'Amors m'a mes tal cadena
plus doussa que mel de bresca;
quan mos pessars en comensa
pus pes que-l dezirs m'en vensa.
Don per que torn mon plor en gaug
e vau quo fai res penssiva? ?
Quar non aus mostrar mon bezonh.

VI.

Ben ai ma voluntat plena
de tal sen que s'entrebesca;
e cuig que m'aia tenensa
car nuls hom mais per plivensa
non estet en aitan gran gaug!
Domna, si-m fossetz aiziva
tost saubra s'en fol m'en peronh.

VII.

Mas ill non sap qual estrena
m'a dada ni cum m'adesca;
quar tant sos pretz sobregensa
qu'il no cre que per temensa
auzes ges de lei aver gaug;
qu'ill es tant nomenativa
tem, si l'o dic, no me vergonh.

VIII.

Mas ben grans talans afrena
mon cor, que ses aigua pesca.
Pus no-ill o puesc a prezensa
dir, Dieus l'en don entendensa
a lieys, tal que me torn en gaug!
Que-l vers farai (que-m caliva)
dir a lieys a cuy Pretz se jonh.

IX.

Ricx hom suy si l?enten en gaug,
mas ieu no sai per que·m viva
si l?enten e pueys non a sonh.

X.
Non entendray mo mal en gaug?
Que·l Bos Respiegz vol qu?ieu viva
el mal m?estra don non ai sonh.

- letto 218 volte

Tradizione manoscritta

- letto 212 volte

CANZONIERE C

- letto 152 volte

Riproduzione fotografica


[Vai al manoscritto \[1\]](#)

Image not found

https://letteraturaeuropea.let.uniroma1.it/sites/default/files/200r_0.JPEG



Image not found
<https://letteraturaeuropea.let.uniroma1.it/sites/default/files/200v.JPEG>



- letto 212 volte

Source URL: <https://letteraturaeuropea.let.uniroma1.it/?q=laboratorio/un-vers-farai-de-tal-mena>

Links:

[1] <https://gallica.bnf.fr/ark:/12148/btv1b8419246t/f467.image.r=856.langFR>